

全上古三代秦漢三國六朝文

全宋文卷四

烏程嚴可均校輯

文帝三

謁京陵詔 二十六年三月

朕遠北京二十餘載。雖云密邇。瞻塗莫從。今因四表無塵。時和歲稔。復獲拜奉舊塋。展罔極之思。饗讌故老。申追遠之懷。固曰義兼於桑梓。情加於過沛。永言慷慨。感慰實深。宜聿宣仁惠。覃被率土。其大赦天下。復丹徒縣。僑舊今歲租布之半。行所經縣。蠲田租之半。二千石官長。竝勤勞王務。宜有沾錫。登城三戰。及大將戰亡。墜沒之家。老病單弱者。皆加贍卹。遣使巡行百姓。問所疾苦。孤老鰥寡。六疾不能自存者。人賜穀五斛。

宋書文帝紀

徙民實京口詔

京口肇祥。自古著符。近代衿帶江山。表裏華甸。經塗四達。利盡淮

海城邑高明土風淳壹苞總形勝實唯名都故能光宅靈心克昌
帝業頃年岳牧遷回軍民徙散塵里虛宇不逮往日皇基舊鄉地
兼蕃重宜令殷阜式崇形望可募諸州樂移者數千家給呂田宅

并蠲復

宋書文
帝紀

搜訪舊人詔五月

吾生於此城及盧循肆亂害流茲境先帝日桑梓根本實同休戚
復日蒙稚猥同艱難情意繾綣夷險兼備舊物遺蹤猶存心目歲
月不居逝踰三紀時人故老與運零落眷惟既往倍深感歎可搜
訪於時士庶文武今尙存者具日名聞人身已亡而子孫見在優
量賚之

宋書文
帝紀

徵蕭思話爲吏部尙書詔

沈尙書暴病不救其體業貞審立朝盡公年時尙可方相委任奄
忽不永痛惋特深銓管要機通塞所寄丈人才用體國二三惟允

天啓
思話傳

下河羅單諸國詔 二十六年

詞羅單嬖白髮達三國頻越遐海款化納貢遠誠宜甄可竝加除

授宋書夷
傳

與始興王濬詔 二十六年

沈璞累年主簿又經國卿雖未嘗爲行佐今故當正參軍邪若爾
正當署餘曹兼房任不爾便宜行佐正署中兵恐於選體如不多

耳宋書自序濬出爲南徐州太祖謂璞曰濬旣
出蕃卿故當臥而護之與濬詔乃爲正佐

別詔沈璞

近者險急老弱殊當憂迫邪念卿爾時難爲心想百姓流轉已還

此遣部運尋至委卿量所贍濟也宋書自序璞爲盱眙太守虜攻
守三旬退太祖嘉其功遣中使

深相褒美
又別詔

北伐詔 二十七年

虜近雖摧挫，獸心靡革，驅逼遺氓，復規竊暴。比得河朔秦雍華戎表疏，歸譁困棘，跋望綏拯，潛相糾結。日俟王師，并陳芮蒞。此春因其來掠，掩襲巢窟，種落畜牧所亡大半，連歲相持。於今未解，又猜虐互發，親黨誅殘，根本危敝。自相殘殄，苜苜間使適至，所說竝符遠輸誠款，誓爲犄角。遐邇注情，旣宜赴獎。且水雨豐澍，舟楫流通。經略之會，實在茲日。可遣靈朔將軍王玄謨，率太子步兵校尉沈慶之，鎮軍咨議參軍申坦等，戈船一萬，前驅入河。使持節督青冀幽三州徐州之東安東莞二郡諸軍事，輔國將軍青冀二州刺史宵城侯蕭斌，推三齊之鋒，爲之統帥。持節都督徐兗青冀幽五州豫州之梁郡諸軍事，鎮軍將軍徐兗二州刺史武陵王駿，總四州之眾，水陸竝驅。太子左衛率始興縣五等侯臧質，勒東宮禁兵，統驍騎將軍安復縣開國侯王方回，建武將軍安蠻司馬新康縣開國男劉康祖，右軍參軍事梁坦，步騎十萬，逕造許洛，使持節督豫

司雍秦并五州諸軍事台將軍豫州刺史領安蠻校尉南平王錄
悉制河之帥方軌繼進東西齊舉宜有董一使持節侍中都督揚
南徐二州諸軍事太尉領司徒錄尚書太子太傅國子祭酒江夏
王義恭德望兼崇風略遐被即可三府文武并被呂中儀精卒出
次徐方爲眾軍節度別府司空府使所督諸鎮各遣虎旅數道爭
先督梁南北秦三州諸軍事綏遠將軍西戎校尉梁南北秦三州
刺史秀之統輔國將軍楊文德宣武將軍巴西梓潼二郡太守劉
弘宗連旗深入震蕩汗隴護軍將軍封陽縣開國侯蕭思訢部龍
驤將軍枝坦監遠將軍竟陵太守南城縣開國侯劉德願藉蒯雍
之勁攬羣師之銳宜由武關棧威震滂指授之宜委司空義宣議

量

宋書宗
虜傳

嘉陳憲詔 二十七年

右軍行參軍行汝南新蔡二郡軍事陳憲盡力捍禦全城摧寇忠

敵之效宜加顯擢可龍驤將軍汝南新蔡二郡太守

宋書索靖傳南平王鐸鎮

謂勝日憲行郡事固守懸瓠虜主攻城四十二日不拔

魯爽歸下詔二十八年

偽寧南將軍魯爽中書郎魯秀志幹列到忠誠久著撫茲福先闔門效款招集義銳臬翦薰醜肅定邊城獄滅象魏雖宣孟之去翟歸晉積當之出胡入漢方之此日曾何足云朕實嘉之宜卽授任逞其忠略爽可督司州陳雷東郡濟陰濮陽五郡諸軍事征虜將軍司州刺史秀可輔國將軍營陽潁川二郡太守其諸子弟及同契士庶委征虜府臣時申言詳加酬敘

宋書魯爽傳

虜退下詔二月

獫狁孔熾雖及數州瞻言念之靡寐興悼凶羯殘挫逖迹遠奔虜傷之民宜時振理凡遭寇賊郡縣令還復居業封屍掩骼賑贖饑流東作方始務盡勸課貸給之宜事從優厚其流寓江淮者並聽

卽屬梓蠲復稅調

宋書文
帝紀

荅袁淑詔 二十八年

合僕治務所寄不共求體當而互相推委糾之是也然故事殘弊

所引致茲疑執特無所問時詳正之

宋書徐湛之傳時尚書僕射
徐湛之與尚書令何尚之有

事互相推委御史中丞
袁淑竝奏免官詔云

與南郡王義宣詔 二十八年

善脩民務不須營潛逃計也

宋書南郡王義
宣傳南史十三

贈劉康祖詔 二十八年

康祖班師尉武戎律靡忒對眾引寡殲殄大半猛氣雲騰志申力

屈沒世殉節良可嘉悼宜加甄寵引旌忠烈可贈益州刺史諡曰

壯勇

宋書劉
康祖傳

卹寇經緒州詔 二十九年正月

經寇六州居業未能仍值災澇饑困薦臻可速符諸鎮優量救卹

今農事行興務盡地利若須田種隨宜給之

宋書文帝紀

征虜詔三月

惡稔身滅戎醜常敷虐虜窮凶著於自昔未勞資斧已伏天誅子孫相殘親黨離貳關洛僞帥竝懷內款河朔遺民注誠請效拯溺蕩穢今其會也可符驃騎司空二府各部分所統東西應接歸義建績者隨勞酬獎

宋書文帝紀時拓跋燾死下詔

詔賜郭啟玄家穀

二十八年

故綏遠將軍晉壽太守郭啟玄往銜命虜庭秉意不屈受任白水盡勤靡懈公奉私餼織毫弗納布衣蔬食飭躬惟儉故超授顯邦召甄廉績而介識苦節終始匪貳身死之日妻子凍餒志操殊俗良可哀悼可賜其家穀五百斛

宋書王啟之傳

詔蕭思話

二十九年九月

得撫軍將軍思話啟事礪礪不拔士卒疲勞且班師清濟更圖進

討此鎮山川嚴阻控臨河朔形勝之要擅名自古宜除其授已允
望實思話可解徐州爲冀州餘如故彭城文武復量分配卽鎮歷

城

宋書蕭思話傳

與江夏王義恭詔二十九年

今朝賢無多且羊孟尙不得告謝尙之任遇有殊便未宜申許邪

宋書何尙之傳元嘉二十九年致仕詔書敦勸上又與江夏王義恭詔

與蕭思話詔二十九年

虜旣乘利方向盛冬若脫敢送死兄弟父子自共當之耳言及增

憤可曰示張永申坦

宋書張永傳

贈陸徽輔國將軍詔二十九年

徽膺志廉潔歷任恪勤奉公盡誠克己無倦衰榮未申不幸夙殞

言念在懷已爲傷恨可贈輔國將軍本官如故賜錢十萬米二百

斛諡曰簡子

宋書陸徽傳

釋慧嚴喪事詔

元嘉中

嚴法師器識淵遠學道之匠奄爾遷神痛悼於懷可給錢五萬布

五十匹

高僧傳

賜蕭思話弓琴手敕

元嘉十四年

夫人頃何所作事務之暇故以琴書爲娛耳所得不曰義邪眷相常不忘情想亦同之前得此琴云是舊物亦有名京邑今日相借因是感顯意於彈撫響韻殊勝直爾嘉也并往桑弓一張材理乃快先所常用既久廢射又多病略不能制之便成老公令人歎息

良材美器宜在盡用之地丈人真無所與讓也

宋書蕭思話傳

策命訶羅單諸國

二十六年

惟汝慕義款化效誠荒遐恩之所洽殊遠必甄用敷典章顯茲策授爾其欽奉凝命水固厥職可不慎歟

宋書夷蠻傳

策命婆皇國王

二十六年

惟爾仰政邊城率貢來庭皇澤凱被無幽不洽宜班典策授茲嘉命爾其祇順禮度式保厥終可不慎歟

同上

策命夔遠國王 二十六年

惟爾仰化懷誠馳慕聲教皇風遐暨荒服來款是用加茲顯策式甄義順爾其祇順憲典永終休福可不慎歟

同上

與彭城王義康書 元嘉二年

今君謝述代曜其才應詳練著於歷職故君佐汝汝始親庶務而任重事殷宜寄懷羣賢君盡弼諧之美想自得之不俟吾言也

宋書

謝景仁傳

誠江夏王義恭書 六年

汝自弱冠使親方任天下艱難家國事重雖曰守成實亦未易隆替安危在吾曹耳豈可不感尋王業大懼負荷今既分張言集未日無由復得動相規誨宜深自砥礪思而後行開布誠心厝懷平

當親禮國土友接佳流識別賢愚鑒察邪正然後能盡君子之心收小人之力汝神意爽悟有日新之美而進德脩業未有可稱吾所引恨之而不能已已者也汝性褊急袁太妃亦說如此性之所滯其欲必行意所不在從物回改此最繁事宜應慨然立志念自裁抑何至丈夫方欲贊世成名而無斷者哉今粗疏十數事汝別時可省也遠大者豈可具言細碎復非筆可盡禮賢下士聖人垂訓騎侈矜尙先哲所去豁達大度漢祖之德猜忌褊急魏武之累漢書稱衛青云大將軍遇士大夫言禮與小人有恩西門安于矯性齊美關羽張飛任偏同僕行已舉事深宜鑒此若事異今日嗣子幼蒙司徒便當周公之事汝不可不盡祇順之理苟有所懷密白書陳若形迹之間深宜慎護至於爾時安危天下決汝二人耳勿忘吾言今既進袁太妃供給計足充諸用此外一不須復有求取近亦具白此意唯脫應大餉致而當時遇有所乏汝自可少多

供奉耳。汝一月日自用不可過三十萬。若能省此益美。西楚般曠常宜早起接待賓客。勿使留滯。判急務訖。然後可入問訊。既覩顏色。審起居。便應卽出。不須久停。已廢庶事也。下日及夜。自有餘閑。府舍住止。園池堂觀。略所詣究。計當無須改作。司徒亦云。爾若服於左右之宜。須小小回易。當自始至一治爲限。不須紛紜日求新異。凡審獄多決。當時難可逆慮。此實爲難。汝復不習。殊當未有次第。訊前一二日。取訊簿密與劉湛輩共詳。大不同也。至訊日。虛懷博盡。慎無自喜怒。加人能擇善者而從之。美自歸己。不可專意自決。自矜獨斷之明也。萬一如此。必有大吝。非唯訊獄。君子用心。自不應爾。刑獄不可擁滯。一月可再訊。凡事皆應慎密。亦宜豫救。左右人有至誠所陳。不可漏泄。自負忠信之款也。古人言君不密則失臣。臣不密則失身。或相讒構。勿輕信受。每有此事。當善察之名器。深宜慎惜。不可妄自假人。昵近爵賜。尤應裁量。吾於左右雖爲

少恩如聞外論不曰爲非也曰貴陵物物不服百威加人人不厭此易達事耳聲樂嬉游不宜令過搏捕漁獵一切勿爲供用奉身皆有節度奇服異器不宜興長汝嬪侍左右已有數人旣始至西未可忽忽復有所納

宋書江夏王義恭傳

又誠

宜數引見佐史非唯臣主自應相見不數則彼我不親不親則無因得盡人人不盡復何由具知眾事廣引視聽旣益開博於言事者又差有地也

同上又見南史十三

與江夏王義恭書

七年十一月

尹冲誠節志概繼蹤古烈曰爲傷惋不能已已

宋書索虜傳尹冲沒虜抗節不降投

義恭書

與長沙王義欣手書

八年

蕭承之理民直亦不在武幹後今擬爲兖州刺史檄征南詳之

齊

高帝紀上承之爲濟南太守拒虜文帝百其有全
城之功與義欣手書承之與道濟無素事遂寢

與衡陽王義季書

十七年十一月

殷僕射疾患少日奄忽不救其識具經遠奉國竭誠周游縉綬情
兼常痛民望國器遇之爲難惋歎之深不能已已汝亦同不往矣

如何

宋書殷
景仁傳

與彭城王義康書

會稽姊欲宴憶弟所餘酒今封送

宋書彭城
王義康傳

就拓跋燾求馬

二十七年

自頃歲成民阜朝野無虞春末當東巡吳會日盍游豫臨滄海探
禹穴陟姑蘇之臺搜長洲之苑舟楫雖盛寡於良駟想能惠日逸

足令及此行

宋書索
虜傳

又與江夏王義恭書

二十九年

早知諸將輩如此恨不目白刃驅之今者悔何所及

宋書張永傳
永及申坦泣

為統府樞軍將軍蕭思話所收繫於歷城獄太祖召履
征無功諸將不可任責永等與思話詔又與江夏王書
賜始興王濬書二十九年

鸚鵡事想汝已聞汝亦何至迷惑乃爾且沈懷遠何人其詎能為

汝隱此邪故使法瑜口宣投筆惋慨

宋書二
凶傳

荅羣臣迎立

景平二年七月

皇運艱弊數鍾屯夷仰惟崇基感尋國故永慕厥躬悲慨交集賴
七百祚永股肱忠賢故能休否召泰天人式序猥冒不德謬降大
命願已疏悻何召克堪輒當暫歸朝廷展哀陵寢并與賢彥申寫
所懷望體其心勿為辭費

宋書文
帝紀

荅何承天

局子之賜何必非張武之金邪

宋書何承天傳承天素好弈茶賭
用廢事太祖賜召局子承天未去

陳謝
上荅

荅江夏王義恭

其願還經年方復作此流遷必當大回回也

宋書自序沈邵爲鍾離太守義恭放太祖

曰肝胎大有劉顯軍求自解說邵往莅任有績彰於民聽若重履肝胎足爲良二千石上不許認荅

荅衡陽王義季

稱意才難得沈邵雖未經軍事既是腹心作鍾離郡及在後軍府房中甚脩理或欲遣之

宋書自序義季在江陵安西府中兵久缺放太祖求人上荅

詰讓太子劭

臨賀公主南第先有一下人欲嫁又聞此下人養他人奴爲兒而汝用爲隊主抽拔何乃速汝間用主副並是奴邪欲嫁置何處

宋書

元凶劭傳上書闕人奚承冠詰讓劭

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷四終

全宋文卷五

烏程嚴可均校輯

孝武帝一

帝諱駿，字休龍，小字道民，文帝第三子。元嘉十二年封武陵王，歷湘州、南豫州刺史，伐石頭，徙雍州刺史，鎮襄陽。又徙徐州刺史，鎮彭城。復徙湘州刺史，元凶弒立，舉兵入討。己三十年五月，卽位，改元二。孝建大明，在位十一年，謚曰孝武皇帝，廟號世祖。有集三十一卷。

華林清暑殿賦

其西積仞連嶺，石穴通波。

北堂書鈔一百五十八

若夫瑤榭未清，瓊室流炎。熏風夕烈，熾景晨嚴。高纒廢駕，遊衡輟駿。思延寒於夏堂，豈徒聞於遺籍。伊涼燠之可變，粵在今之猶昔。密胸林梁，側眺池籟。起北阜而置懸河，沿西原而殿清暑。編茅樹

基采椽成宇，轉流環堂。浮清浹室，闢西櫺而鑿斜月。高東軒而望
初日，粵乃炎精待戒。青祇將畢，濯嶼在辰。光風明密，婉群鱗於石。
沼儀瑞羽於林，術浮觴無屈。展樂有時，惟歡洽矣。含歌受辭，歌曰。
山懷風兮谷吐泉，清澗遶兮遠氣宣。符深情兮應遙心，促千里兮
測雲天。

魏文類聚
六十二

傷宣貴妃擬漢武帝李夫人賦

井序

朕曰亡事，棄日閱覽。前王詞苑，見李夫人賦。悽其有懷，亦曰嗟
詠久之，因感而會焉。

巡靈周之殘冊，略鴻漢之遺篆。弔新宮之奄映，嗙壁臺之蕪踐。賦
流波以謠思，詔河濟以崇典。雖媛德之有載，竟滯悲其何遣。訪物
運之榮落，訊雲霞之舒卷。念柱枝之秋實，惜培華之春艷。桂枝折
兮冷威傾，瑤華碎兮思聯情。彤殿閉兮素塵積，翠瓦蕪兮紫苔生。
寶羅眠兮春暈垂，珍簾空兮夏疇扁。秋臺惻兮碧燐凝，冬宮冽兮

朱火清流律有終，深心無恨徙倚雲。日裏回風月思玉，步於鳳琪
想金聲於鸞闕，竭方池而飛傷。損層淵而流咽，端蚤朝之晨罷。泛
葦路之晚清，輞南陸蹕閭闔。輦北津警承明，而縞館之酸素。造松
帳之慈青，俛眾屑而慟。與撫鏡女而悲生，雖哀終其已切。將何慰
於爾靈，存飛榮於景路。沒巾藻於服車，垂葆旒於昭衛。竦鸞劍於
清都，朝有儷於徵準。禮無替於粹圃，闕瑤光之密陞。宮虛梁之餘
陰，俟玉羊之晨照。正金雞之夕臨，升雲籥已引思。鏘鴻鍾已節音，
文七星於霜野。旗二燿於寒林，中雲枝之天秀。寓坎泉之曾岑，屈
封嬴之自古。申反周乎在今，遣雙靈兮達孝思。附孤魂兮展慈心，
伊鞠報之必至。諒顯晦之同深，予棄西楚之齊化。略東門之盜袞，
淪漣兩拍之傷。奄抑七萃之篋，宋書始平王子鸞傳又蘇文類聚
三十四又略見文選謝莊宜貴妃

注

停白板郡縣制

大明五年八月庚寅

方鎮所假白板郡縣年限依臺除食祿三分之一不給送

宋書孝武帝紀

卽位遣大使巡方詔

元嘉三十年五月

天步艱難國道用否雖基構永固而氣數時愆朕躬眇身奄承皇業奉尋麻命鑿庶震懼萬邦風政人治之本感念陵替若疚在心可分遣大使巡省方俗

宋書孝武帝紀

節省詔

六月

興王立訓務弘治節輔臣佐時勤獻政要仰惟聖規每存茲道猥目眇躬勝承景業闡揚遺澤無廢厥心夫量入爲出邦有恆典而經給之宜多違常度兵役糜耗府藏散滅外內眾供未加損約非所宜聿遵先旨敬奉遺圖自今諸可薄己厚民去煩從簡者悉宜施行

宋書孝武帝紀

求言詔

七月

世道未夷惟憂在國夫使羣善畢舉固非一才所議況已寡德屬

衰薄之期夙宵寅想永懷待旦王公卿士凡有嘉謀善政可曰維
風訓俗咸達乃誠無或依隱

宋書孝
武紀

飭治詔

百姓勞弊徭賦尙繁言念未乂宜崇約損凡用非軍國宜悉停功
可省細作并尙方雕文靡巧金銀塗飾事不關實嚴爲之禁供御
服膳減除遊侈水陸捕採各順時日官私交市務令優衷其江海
田池公家規固者詳所開弛貫賦競利悉皆禁絕

宋書孝
武紀

下王素等詔

濟世成務咸達隱微軌俗興讓必表清節朕昧旦求善思惇薄風
頊邪王素會稽朱百年竝廉約貞遠與物無競自足臯畝志在不
移宜加褒引百光難進竝可太子舍人

宋書王
素傳

下沈慶之等詔

朕目不天有生罔二泣血千里志復深逆鞠旅伐罪義氣雲踊羣

帥仗節指難如歸故曾未積旬宗社載穆遂曰眇身猥纂大統未
念茂庸思崇徽錫新除使持節散騎常侍都督南兗豫徐兗四州
諸軍事鎮軍將軍南兗州刺史沈慶之新除散騎常侍領軍將軍
柳元景新除散騎常侍右衛將軍宗慤督兗州諸軍事輔國將軍
兗州刺史徐遺寶監別將軍始興太守沈法系驃騎諮議參軍顧
彬之或盡誠謀初宣綜戎略或受命元帥一戰盪亂或稟奇軍統
協規效捷偏師奉律勢振東南皆忠國忘身義高前烈功載民聽
誠簡朕心定賞策勳茲焉攸在宜列土間邑永蕃皇家慶之可封
南昌縣公元景曲江縣公並食邑三千戶慤洮陽縣侯食邑二千
戶遺寶益陽縣侯食邑一千五百戶法系平固縣侯彬之陽新縣
侯並食邑千戶

宋書沈
慶之傳

卹徐湛之等詔

徐湛之江湛主僧綽門戶茶醋遺孤流寓言念既往感痛兼深可

令歸居木宅厚加卹賜

宋書徐湛之傳

卹十天與詔

日者逆豎犯謁，數變卒起，廣威將軍關中侯上天與提戈赴難，挺身奮節，斬殪凶黨，而旋受虐刃，勇冠當時，義侔古烈，興言追悼，傷痛於心，宜加甄贈，旨旌忠節，可贈龍驤將軍益州刺史，諡曰壯侯。

宋書上

天與傳

答有司奏不應致拜太傅詔

開薄纂統，實憑師範，思盡虔恭，旨承道訓，所於稽諸往代，謂無拜

禮，據文既明，便從所執。

宋書江革王莽恭傳上不欲致禮太傅諷有司奏詔答

贈張敷侍中詔

司徒故左長史張敷，貞心簡立，幼樹風規，居哀毀滅，孝道渚至，宜

在追甄，於旨報美，可追贈侍中。

宋書張敷傳

贈王微祕書監詔

微棲志貞深文行悖洽生自華宗身安隱素足目資茲巨園悖是
薄俗不幸蚤世朕甚悼之可追贈祕書監

宋書王微傳

與劉延孫等詔

朕藉羣能之力雪莫大之恥百眇眇之身託於王公之上思所已
策勳樹良永盛世烈新除侍中領前軍將軍延孫率懷忠敏器局
沈正協贊義初誠力俱盡左衛將軍竣立志開亮理思清要茂策
忠慕經綸惟始俾積基更造咸有勤焉宜顯授龜社大啟邦家延
孫可封東昌縣侯竣建城縣侯食邑各二千戶

宋書劉延孫傳

重農舉才詔

孝建元年正月

首食尚農經邦本務貢士察行靈朝當道內難甫康政訓未洽衣
食有仍耗之弊選造無觀國之美昔衛文勤民高宗恭默卒能收
賢巖穴大殷季年朕每側席疚懷無忘鑿寐凡諸守蒞親民之官
可詳申舊條勸盡地利力田善善者在所具已名聞哀甄之科精

爲其格四方秀孝，非才勿舉。獻谷允值，卽就銓擢。若止無可採，猶賜除置。若有不堪，劄奉。虛竊榮薦，遣還田里。加旨禁錮，尙書百官之元本庶績之樞機。丞郎列曹局司有在，而頃事無巨細，悉歸令僕。非所召。眾材成構，羣能濟業者也。可更明體制，咸責厥成。糾覈勤惰，嚴施賞罰。夫書孝武紀又略

荅義宣詔三月

見通典二十二

皇帝敬問朕。曰：不天招羅屯難，家國阽危，窮焉將及。所召身先八百，雪清冤恥，遠憑高竿，共濟艱難。遂登寡闇，嗣奉洪祀，尊威酬勳，實表心事。批政闕職，所願匡拯，而嘉言蔑聞。末德先著，勤王之績未終，毀冕之圖已及。臧質險躁無行，見棄人倫。曰：此不識志在問鼎，凶意將逞。先借附從，扇誘欺熾，成此亂弊。如使羣逆竝濟，眾邪競逐，將恐瞻烏之命未識所止，構怨連禍，孰知其極。公明有不照背，本崇姦迷，昵讒醜，還謀社稷。雖履霜有日，諠議糾紛。朕曰：至道

無私杜遏疑議信理推誠暴於遐邇不戾物變難酬醜言遂驗是用悼心失圖忽忘寢食今便親御六師廣命羣牧告靈誓眾直造柴桑梟曠元惡已謝天下然後整蹙清江鳴鑿蜀路投戈襲衮而粟規勛有宋不造家禍仍纏昔歲事靈方承遠訓冀已虛薄永弭厥艱豈謂曾未葦稔復覩斯盟二祖之業將墜於淵仰瞻鴻基但

深感慟

宋書南郡王義宣傳

建仲尼廟詔

十月

仲尼體天降德維周興漢經緯三極冠冕百王爰自前代咸加褒述典司失人用闕宗祀先朝遠存遺範存詔繕立世故妨道事未克就國難頻深忠勇奮厲實憑聖義大教所敦永惟兼懷無忘待且可開建廟制同諸侯之禮詳擇表塋厚給祭秩

宋書孝武紀

開苑禁詔

二年八月

諸苑禁制綿遠有妨肆業可詳所問弛假與貧民

宋書孝武紀

有罪詔九

國道再屯，艱虞畢集。朕雖寡德，終膺鴻慶。惟新之祉，實深百王。而
惠眷之命，未殊常渥。永言勤慮，寤寐載懷。在朕受命之前，凡百舉
徒放，悉聽還本。犯毀之門，尙有存者。子弟可隨才署吏。宋書孝
武紀

重散騎詔

三年

散騎職爲近侍，事居規納，置任之本，實爲親要。而頃選常侍，陵遲
未允，宜簡授時良。永寧清轍。宋書孔
凱傳

通下情詔

大明元年十月

旒纒之道，有孚於結繩。日昃之勤，已切於姬后。況世襲茲淺，歲月
澆季。朕雖勦力，寓內未明求衣，而識狹前王，務廣昔代。永言菲德，
其愧良深。朝咨野怨，自達者寡。惠民利公，所昧實眾。自今百辟庶
尹，下民賤隸，有懷誠抱志，擁鬱衝閭，失理負譎，未聞朝聽者，皆聽
躬自申奏。小大百聞，朕因聽政之日，親對覽焉。宋書孝
武紀

荅江夏王義恭請封禪詔 十一月戊申

太宰表如此昔之盛王永保鴻名常爲稱首由斯道矣朕遭家多
難入纂純孝德薄動淺鑿寐崩愧頃麟鳳表禎茅禾兼瑞雖符祥
顯見愿乎猶深庶仰述矢志折清中寓禮祇謁神朕將試哉

宋書禮志

下龐秀之等詔

昔歲國難方結疑懼者眾故散騎常侍太子右率龐秀之履嶮能
貞首暘義節用使狡狀先聞軍備夙固醜逆時殄頗有力焉追念
厥誠無忘於懷侍中祭酒顏師伯侍中領射聲校尉袁愨孫豫章
太守王謙之太子前中庶子領右衛率張淹爰始人討預參義謀
契闊大難宜蒙殊報秀之可封樂安縣伯食邑六百戶師伯平都
縣子愨孫興平縣子謙之石陽縣子淹廣晉縣子食邑各五百戶

宋書顏師伯傳

答蔡興宗辭昏詔

卿諸人欲各行己意，則國家何由得婚？且姊言豈是不可違之處？

宋書：蔡興宗傳。大明初，詔興宗女與南平王敬猷婚。興宗曰：「女曾與姊約，許其孫袁象陳啟。」詔答。

給東土詔

二年正月壬子

去歲東土多經水災，春務已及，宜加優課，糧種所須，已時貸給。

宋書：孝武紀。

優賜奉迎文武等詔

正月壬戌

先帝靈命初興，龍飛西楚，歲紀浸遠，感往纏心。奉迎文武，情深常

隸，思弘殊澤，已申永懷。吏身可賜爵一級，軍戶免爲平民。

宋書：孝武紀。

恤貧民詔

二月丙子

政道未著，俗弊尙深，豪侈兼并，貧弱困窘，存闕衣裳，沒無斂得，朕

甚傷之。其明敕守宰，勤加存卹，賻贈之科，速爲條品。

宋書：孝武紀。

殷祭章太后廟詔

二月庚寅

章皇太后追尊極號禮同七廟豈容獨闕殷薦隔茲盛祀

宋志闕作祠

宮遙祐既行有周魏晉從饗式範無替宜述附前典已宣情敬

禮志四通與四十七

與顏竣詔

何偃遂成異世美志長往與之周旋重呂姻媾臨哭傷怨良不能

已往矣如何宜贈散騎常侍金紫光祿大夫本官如故

宋書何偃傳

又與顏竣詔

三月

宏夙情業尙素心令績雖年未及壯願言兼申謂天道可倚輔仁

無妄雖寢患淹時慮不至禍豈圖祐善虛設一旦永謝驚惋摧慟

五內交殞平生未遠與目如昨而賞對遊娛緬同千載哀酷纏綿

實增痛切卿情均休戚重呂周旋乖坼少昨奄成今古聞問傷惋

當何可言

宋書竣平王宏傳宏薨上痛悼甚至每朔望輒出臨窆自爲墓誌銘并序與東揚州刺史顏竣詔

赦逃亡詔

六月丙申

往因師旅多有遺亡。或連山染逆。懼致軍憲。或辭役憚勞。苟免刑罰。雖約法從簡。務思弘宥。恩令驟下。而逃伏猶多。豈習愚爲性。忞惡難反。將在所長吏宣導。乖方可普加寬申。咸與更始。宋書孝武紀

沙汰沙門詔 七月

門下佛法訛替。沙門混雜。未足扶濟鴻敷。而專成遁藪。加頃奸心頻發。凶狀屢聞。敗道亂俗。人神交忿。可付所在。與寺耆長精加沙汰。後有違犯。嚴其誅坐。主者詳爲條格。速施行。宋書天竺迦毗黎國傳大明二年有

曇標道人與羌人高閭謀反。上因是下詔。又初學記二十三廣弘明集六又二十七

下詔罪王僧達 八月

王僧達餘慶所鍾。早登榮觀。輕險無行。暴於世談。值國道中艱。盡室願效。甄其薄誠。貫其鴻慝。僭徧外內。身窮榮寵。曾無在泮食棋懷音。乃協規西楚。志擾東區。公行剽掠。顯奪凶黨。倚結羣惡。誣亂視聽。朕每容隱。思加蕩雪。曾無犬馬感恩之志。而炎火成燎。原之

勢涓流兆江河之形，遂脣齒高閣契規，蘇寶搜詳妖亂，覘察象緯，逮賊長臨臬，餘黨就鞫，咸布辭獄牒，宣言虛市，猶欲隱忍，法爲情屈，小醜紛紜，人扇方甚，矯構風塵，志希非凱，固已達諸公卿，彰於朝野，朕焉得輒宗社之重，行匹夫之仁，殛山誅邪，聖典所同，戮諷剪律，漢法攸尙，便可收付廷尉，肅正刑書，故太保華容文昭公弘契開歷朝，綢繆眷遇，豈容忘茲勳德，忽其世祀，門爵國姻，一不貶絕，宋書王僧達傳僧達屢經狂逆上曰其終無悔心因高關事陷之下詔於獄賜死

論選舉詔二年

八柄馭下，百爵爲先，九德咸事，政典居首，銓衡治樞，興替攸寄，頃世已來，轉失厥序，徒秉國鈞，終貽權諉，今南北多士，勳勤滿積，物情善否，實繫斯任，官人之詠，維聖克允，則哲之美，粵帝所難，加澆季在俗，讓議成風，已一人之識，當羣品之誼，望沈浮自得，庸可致乎，吏部尙書可依郎分置，并詳省問曹，宋書謝世傳

又別論江夏王義恭

分選詔且出在朝論者亦有同異誠知循常甚易改舊生疑但吏部尚書出來與錄共選良已一人之識不辦洽通兼與奪威權不宜專一故也前述宜先旨敬從來奏省錄作則永貽後昆自此舉之要唯由元凱一人若通塞乖衷而訴達者勉且違令與物理至隔閡前王盛主猶或難之況在寡聞尤見其短又選官裁病卽嗟請滿道人之四體會盈有虛旬日之間便至怨詈况實有假託不由寢頓者邪一詣不前貧苦交困則兩邊致患互不相體校之曰實竝有可哀若職置二人則無此弊兼選曹樞要歷代斯重人經此職便成貴塗己心外議咸不自限故范曄魯爽舉兵滅門已此言之實由榮厚勢樞殷繁所至設可擬議此授唯有數人本積歲月稍加引進而理無前期多生慮表或嬰艱抱疾事至回移官人之任決不可闕一來一去向人已周非有黜責已貴難賤既成

妨長真之無所盛衰遞襲便是一段世臣相處之方臣主生疑所
已彌覺此職宜在降階監令端右足處時望無人則闕異於九流
今但直銓選部有減前資物情好猜橫立別解本旨向意終不外
宣唯有從郎分置視聽自改選既輕先民情已變有堪其任大展
遷回兼常之宜呂時稍進本職非復重官可不須帶帖數過居
之盡無詭怪自中分荆揚于時便有意於此正謂改革不少容生
駭惑爾來多年欲至歲下處分會何偃致故應有親人故近因此
施行本意詔文不得委悉故復紙墨具陳宋書謝莊傳上時親覽
吏部尚書選舉所由欲輕其勢力下詔又別詔太
宰江夏王於是置吏部尚書二人省五兵尚書

荅顏竣詔二年

憲司所奏非宿昔所已相期卿受榮遇故當極此訕訕怨憤已孤
本望乃復過煩思慮懼不自全豈爲下事上誠節之至邪

宋書顏竣傳上

未敢復加大戮止止免官竣頻
致謝罪并乞性命上愈怒詔荅

省貢賦詔 二年閏月

夫山處巖居，不曰魚鼈爲禮。頃歲多虞，軍調繁切。遠方設賦，本濟一時。而主者玩習，遂爲常典。枕楸瑤琨，任土作貢。積羽羣輕，終致深弊。永言弘革，無替厥心。凡實衛貢職，山淵採補，皆當詳辨產殖，攷順歲時，勿使牽課虛懸。朕忤氣序，庶簡約之風，有孚於品性，惠敏之訓，無漏於幽仄。

宋書孝武紀

罪顏竣詔 三年

竣孤負恩養，乃可至此。宋書顏竣傳竟陵王誕爲逆，上因此陷竣云。召御史中丞庾敳之於前，爲奏奏成詔云。

詔卜天生

天生始受我任，甫造寇壘，而投翰越壘，率果先騰。驍壯之氣，嘉歎無已。可且賜布千匹，弓厲眾校。宋書卜天生傳天生隸沈慶之，攻先登西北角，徑至城上，苦戰移日不拔，乃還。世祖下詔。

卹北討文武詔 三年八月丙申

近北討文武於軍亡沒或殞身矢石或厲疾死亡並盡勤王事而

斂榘卑薄可替更賻給務令豐厚

宋書孝
武紀

宥罪詔 八月甲子

昔姬道方凝刑法斯厝漢德初明犴圜用簡良由上一其道下滄
其性今民澆俗薄誠淺偽深禹曰寡德弗能心化故知方者趣趣
辟實繁向因巡覽見二尙方徒隸嬰金屨校既有矜復加國慶民
和獨隔凱澤益曰慚焉可所原有 宋書孝
武紀

於恤詔 九月

夫五辟三刺自古所難巧法深文在季彌甚故沿情察訟魯師致
捷市獄勿擾漢史飛聲廷尉遠邇疑讞平決攸歸而一蹈幽圜動
逾時歲民嬰其困吏容其私自今囚至辭具竝卽旨聞朕當悉詳
斷庶無留獄若繁文滯劾證速退廣必須親察曰盡情狀自後依

舊聽訟

宋書孝武傳

脩親桑禮詔十月

古者薦鞠青廟，非所多慶。分繡玄郊，日供純服。來歲可使六宮妃

嬪，脩親桑之禮。

宋書孝武紀

經袁湛墓下詔三年

故侍中左光祿大夫開府儀同三司晉寧公外氏尊戚，素風簡

正，歲紀稍積，墳塋浸遠。朕近巡覽千畝，遙瞻松隱，緬惟徽靡，感慕

增結，可遣使祭少申永懷。

宋書袁湛傳

勞顏師伯詔三年

虜驅率犬羊，規暴邊塞。輔國將軍青冀二州刺史師伯，宣略命師

合變，應機濟戍，奮怒一月，四捷支軍，異部騁勇，齊效頻泉，名王大

殲，羣醜朕用嘉歎，良深於懷。可遣使慰勞，并符輔國府詳攻功最

百時言上

宋書顏師伯傳

賜進士出身一品銜廣東等處提刑按察使司按察使兼管驛傳事務直學王疏藻校刊

全宋文卷六

烏程嚴可均校輯

孝武帝二

荅江夏王義恭詔

昔二王兩謝俱至崇禮自今三臺五省悉同此例

宋書長沙王道憐傳道憐孫祗

字彥期大明中爲中書郎太宰江夏王義恭領中書監服親不得相臨表求解職世祖詔

親覽詔四年三月

朕卜祥大昕測辰拂羽爰詔六宮親蠶川室皇太后降鑿從御佇

蹕觀禮緣籩旣具立統方脩庶儀發椒闈化動中縣妃主目下可

量加班錫

宋書孝武文穆王皇后傳大明四年后率六宮躬桑於西郊皇太后觀禮下詔

荅有司上封禪儀注詔四月辛亥

天生神物昔王稱愧况在寡德敢當鴻貺今文軌未一可停此奏

宋書

志三

卹都邑詔 四月辛酉

都邑節氣未調，癘疫猶熾，言念民瘼，情有矜傷，可遣使存問，并給

醫藥，其死亡者，隨宜卹贖。宋書孝武紀

罪周朗詔 四年

朗悖禮利口，宜令翦戮，微物不足亂典，刑特鎮付邊郡。宋書周朗傳大明四年

年上檄朗使有司奏其居喪無禮請加收治乃下詔於是傳送靈州於道殺之

厲兵赦罪詔 五年二月癸巳

昔人稱人道何先，於兵爲首，雖淹紀勿用，忘之必危，朕自聽覽餘間，因時講事，坐作有儀，進退無爽，軍幢已下，普量班錫，頃化弗能孚，而民未知禁，道役違調，起觸刑網，凡諸逃亡，在今昧爽，已前悉皆原赦，已滯囹圄者，釋還本役，其逋負在大明三年已前，一賜原停，自此已還，縲貧疾老，詳所申減，伐蠻之家，蠲租稅之半，近藉改新制，在所承用，殊謬實多，可普更符下聽，自今爲始，若先已犯制

亦同蕩然

宋書考
武紀

寬南徐兗二州租詔 四月戊戌

南徐兗二州去歲水潦傷年民多困饑通租未入者可申至秋登

宋書考
武紀

宗祀詔 四月庚子

昔文德在周明堂崇祀高烈惟漢汶邑斯尊所召職祭罔讐氣令
斯正鴻名稱首濟世飛聲朕皇考太祖文皇帝功耀洞元聖靈昭
俗內穆四門仁濟羣品外薄八荒威膺殊俗南腦勁越西嚙剛戎
裁禮興稼穡之根張樂協四氣之紀匡飾墳序引無題之外旌延
寶臣盡盛德之範訓深劭農政高刑措萬物揀通百神薦祉動協
天庠下洽地德故精緯上靈動殖下瑞諸侯軌道河濂海夷朕仰
憑洪烈入子萬姓皇天降祐迄將一紀思奉揚休德永播無窮便
可詳攷姬典經始明堂宗祀先靈式配上帝誠敬克展幽顯咸秩

惟懷永遠感慕崩心

宋書禮志三

振賜水災詔

七月丙辰

雨水猥降街衢泛濫可遣使巡行窮弊之家賜日薪粟

宋書孝武紀

興學詔

八月

自靈命初基聖圖重遠參正樂職感神明之應崇苑禮園奮至德之光聲實同和文已均節化調其俗物性其情故臨經式奠煥乎炳發道喪世屯學落年永獄訟微衰息之術百姓忘退素之方今息弊夷嶂恬波河清棧山航海鄉風慕義化民成俗茲時篤矣來歲可脩葺庠序旌延國胄

宋書孝武紀

詳檢畿內詔

十一月

王畿內奉京師外表眾夏民殷務廣宜思簡惠可遣尙書就加詳檢并與守宰平治庶獄其有疑滯具日狀聞

宋書孝武紀

追崇外家詔

五年

昔漢道既靈博平輝絕魏國方安嘉憲啟策皆因心所弘酌典治
誥亡外祖親王夫人柔德淑範光啟坤載屬內位闕正攝饋閨庭
儀被芳闈間宣戚里永言感遠思追榮秩宜式俯鴻則敬登徽序
宋書文帝袁皇后傳夫人文帝袁皇后所生母也世祖下詔乃追贈豫章郡新淦縣平樂鄉君

原孫棘兄弟詔

五年

棘薩毗隸節行可甄特原罪州加辭命并賜許帛二十匹
宋書傳大明年發三五丁棘弟薩應充行坐遠期依制軍法棘詣郡乞以身代薩又辭應受戮棘妻許又寄語屬棘君當門戶豈可委罪小郎太守張岱依事表上世祖詔

經王弘墓下詔

五年

故侍中中書監太保錄尚書事揚州刺史華容文昭公弘德猷光
勳鑒識明遠故散騎常侍左光祿大夫太子詹事豫章文侯曇首
夙尚恬素理心貞正竝綢繆先眷契闊屯夷肉亮王道外流徽舉
巨國圖令勛民思茂惠朕薄巡都外瞻覽墳塋永言想慨良深於

懷便可遣使致祭墓所

宋書王弘傳

經殷景仁墓下詔

五年

司空文成公景仁德量淹正風識明允徽績忠謀夙達先照惠政

茂譽實留民屬近瞻丘墳感往興悼可遣使致祭

宋書殷景仁傳

詔劉延孫

五年

舊京樹親由來常準卿前出所有別議今此防久弭當已還授小

兒

宋書劉延孫傳又南史十七

益封諸王詔

五年

昔韓衛異姓宗周之明憲三封殊敘往晉之令典唯皇家創典盡

弘斯義朕應天命光宅四海思所已憲章前式崇建懿親永垂書

一著於甲令諸弟國封並可增益千戶

宋書廬江王綽傳

給外家塋戶詔

五年

趙蕭臧光祿袁敞公平樂郡君墓先未給塋戶加世數已遠所嗣

業宋書
眼頷作
服頷

衰陵外戚尊屬不宜使墳塋蕪穢可各給蠻戶三百供灑掃

宋書文帝

與劉秀之詔

今日蕭惠開爲憲司莫當稱職但一往眼頷已自殊有所震

宋書蕭惠

開傳惠開徙御史中丞世祖與劉秀之詔又見南史十八御覽二百二十六

贈劉延孫司徒詔

六年六月

故侍中尙書左僕射領護軍將軍東昌縣開國侯延孫風局簡正
體識沈明縑繆心膂自蕃升朝契闊唯舊幾將二紀靈業中圯則
首贊出圖義令既舉則任均蕭寇器允棟幹勳實佐時及累司馬
兩官出內尹牧惠政茂課著自民聽忠謀令節循乎朕心方變和
台階永毗國道奄至薨殞震慟兼深考終定典宜盡哀敬可贈司
徒給班劍二十人侍中僕射侯如故

宋書劉延孫傳

又詔

故司徒文穆公延孫居身寡約家素貧虛每念清美良深悽歎葬
送資調固當闕乏可賜錢三十萬米千斛同上

定國史詔六年

項籍聖公編錄二漢前史已有成列桓玄傳宜在宋典餘如爰議

宋書徐爰傳爰議國史
宜曰義熙元年爲獻

下倭王世子興詔六年

倭王世子興奕世載忠作蕃外海稟化靈境恭脩貢職新嗣遊業

宜授爵號可安東將軍倭國王宋書倭國傳

春蒐詔七年正月

春蒐之禮著自周令講事之語書於魯史所曰昭宣德度示民軌

則今歲稔氣榮中外盛晏當因農隙實是舊章可克日於玄武湖

大閱水師并巡江右講武校獵宋書孝武紀

禮南嶽詔二月丙辰

江漢楚望，咸秩周禋。禮九疑於盛唐，祀蓬萊於渤海。皆前載流訓，列聖遺式。霍山是曰南嶽，實維國鎮。靈呈瑞，肇光宋造。朕駐蹕於野，有事岐陽。瞻睇風雲，徘徊日想。可遣使奠祭。

宋書孝武紀時車駕巡南豫南

孝二州

下詔

巡行大赦詔 二月壬戌

朕受天慶命，十一年於茲矣。憑七廟之靈，獲上帝之力。禮橫四海，威震八荒。方巡三湘而奠衡嶽，次九河而檢云岱。今恢覽功成，省風畿表觀，民六合。蒐校長洲，騰沙飛礫。平嶽盪海，鼓晉合序。鏡鉅協節，獻壘如禮。佳獸傾郊，敬舉王公之觴。廣納士民之壽，八風循通。卿雲叢聚，盡天慶瑞。率宇竭歡，思散大極之泉。日福無方之外，可大赦天下。行幸所經，無出今歲租布。其逋租餘債，勿復收。賜民爵一級，女子百戶牛酒，刺守邑宰及民夫從蒐者，皆加洽賚。

宋書孝武紀

加恩歷陽郡詔

朕弱年操製出收司雍承政宣風荐歷年紀國步中阻治戎江甸
難夷情義實繫於懷今或練蒐訓旅涉茲境閭故邑耆舊在目罕
存年世未遠殲亡太半撫迹惟事傾慨兼著太宗燕故晉陽洽恩
世祖流仁濟畿賜澤永言往猷思廣前賚可蠲歷陽郡租輸三年
遣使巡慰問民疾苦鰥寡孤老六疾不能自存者厚賜粟帛高年
加引羊酒凡一介之善隨才銓貫前國名臣及府州佐吏量所沾
錫人身已往施及子孫

宋書孝

武紀

禁專殺詔

四月甲子

自非臨軍戰陳一不得專殺其舉甚重辟者皆如舊先上須報有

司嚴加聽察犯者自殺人臯論

宋書孝
武紀

嚴軍興詔 五月丙子

自今刺史守宰動民興軍皆須手詔施行惟邊隅外警及姦蠻內

發變起倉卒者不從此例宋書孝武紀

禁占川澤詔 七月丙申

前詔江海田池與民共利歷歲未久浸已弛替名山大川往往占

園有司嚴加檢糾申明舊制宋書孝武紀

省刑詔 八月丁巳

昔匹婦含怨山雉北鄰孀妻哀慟臺傾東國良已誠之所動在彼
必著感之所震雖厚必崩朕臨察九野志深待旦弗能使爛然成
章各如其節遂令炎精損和陽偏不施歲云不稔咎實朕出大官
供膳宜從貶撤近道刑獄當親料省其王畿內及神州所統可遣
尙書與所在共訊議外諸州委之刺史并議省律令思存利民其
考謫留襲在大明七年以前一切勿治尤弊之家間倉賑給宋書
紀

殖麥詔 九月己卯

近炎精亢序，苗稼多傷。今二麥未晚，甘澤頻降，可下東境，郡勤課墾殖，尤獎之家，量貸麥種。

宋書孝武紀

巡行詔 九月戊子

昔周王騶迹，實窮四溟。漢帝鸞軫，夙徧五嶽。是皆所已上對幽靈，下理民土。自天昌替馭，臨宮創圖。禮代天鬱，世貿興廢。皇家造宋，日月重光。璇璣得序，五星順命。而戎車歲動，陳詩義闕。朕聿含五光，奄一天下。思盡寶戒之規，自塞謀危之路。當治時省方，觀察風俗。外詳攷舊典，自副側席之懷。

宋書孝武紀

巡南豫州詔 十月戊申

朕巡幸所經，先見百年耆及孤寡老疾，竝賜粟帛。獄繫刑罪，竝親聽訟。其士庶或怨懣危滯，受拘吏司，或隱約潔立，負嶺州里，皆聽進朕前，面自陳訴。若忠信孝義，力田殖穀，一介之能，一藝之美，悉加旌賞。雖秋澤頻降，而夏旱嬰災，可卽開行倉，竝加賑賜。

宋書孝武紀

又詔十月丙寅

賞慶刑威，奮國彝軌。黜幽升明，闢宥恆憲。故採言聆風式，觀侈賢
貶爵加地。於是乎在今類帝宜社，親巡江甸。因覲獄守，躬求民瘼。
思弘明試之典，旨申考績之義。行幸所經，莅民之職。功宣於聽，卽
加甄賞。若廢務亂民，隨僞議凱主者，詳察旨聞。宋書孝
武紀

下鄧琬詔

七年

故光祿勳前征虜長史鄧盾之，體局沈隱，累任著績。朕昔當藩重，
首先佐務，心力款盡，弗忘於懷。往歲息璩凶悖，自取誅翦。治恩及
琬，特免毀戮。今可擢爲給事黃門侍郎，旨旌盾之宿誠。宋書鄧琬
傳車駕幸

歷陽追思在
藩之舊

下高句驪王高璉詔

七年

使持節散騎常侍督平營二州諸軍事征東大將軍高句驪王樂
浪公璉，世事忠義，作藩海外，誠係本朝。志剪殘險，通譯沙表。克宣

王猷宜加褒進，呂旌純節，可車騎大將軍，開府儀同三司，持節常

侍都督王公如故。

宋書高句驪傳

恤東境詔 八年正月

東境去歲不稔，宜廣商貨，遠近販鬻米粟者，可停道中雜稅，其百

仗自防，悉勿禁。

宋書孝武紀南史宋本紀二

恤東使詔 二月

去歲東境偏旱，田畝失收，使命來者多至乏絕，或下窮流穴，頓伏

街巷，朕甚閔之，可出倉米付建康秣陵二縣，隨宜贍恤，若溫極不

時，日至捐棄者，嚴加糾劾。

宋書孝武紀

授蕭惠問詔 八年

惠問前在憲司，奉法直繩，不阿權戚，朕甚嘉之，可更授劄史中丞。

宋書蕭惠問傳又見御覽二百二十六

恤劉秀之詔 八年

秀之識局明遠才應通曠誠著蕃朝績宜累嶽往歲臣逆交構首
義萬里及職司端尹贊戎兩宮嘉謀微譽實彰朝野漢南法繁民
謙屬佇良牧故慙輟心膂外弘風規出未踰暮德庇西服詳攷古
烈旅觀終始涓心忠槩無旨尙茲方式亮皇猷入衛根本奄至薨
逝震動於朕心生榮之典未窮寵數哀終之禮宜盡崇飾兼履謙
守約封社弗廣興言悼往益增痛恨可贈侍中司空持節都督刺
史校尉如故并增封邑爲千戶諡爲忠成公

宋書劉秀之傳

詔顧寶先

大明中

敕違糾慢憲司之職若理有不公自當更有釐正而自頃劾無輕
重輒致私絕此風難長主者嚴爲其科寶先蓋依附世準不足問
宋書顧琛傳琛爲左丞持萬秋所劾及寶先爲郎萬秋猶在職自陳不拜世祖詔

聽行幹杖詔

大明中

自頃幹僉多不祇給主可量聽行杖

宋書沈演之傳先是五省官所給幹僉不得雜役太祖世

坐呂免官者前後百人統輕役過差有
司奏免世祖詔云云自此得行幹杖

荅王玄謨詔

梁山風塵初不介意君臣之際過足相保聊復爲笑伸卿眉頭宋書
王玄謨傳因問謫言玄謨欲反玄謨馳啟帝知其虛遣主書吳喜
撫慰之又荅由中央王玄謨傳作玄謨啟明白之日七十老公反
欲何求聊復爲笑想足呂伸卿眉頭耳

天關詔

梁山天表象魏呂旌圖形仍呂二山爲立關故曰天門御覽四十六
博望梁山東西隔江相對如門相
去數里謂之天門引宋孝武詔

置古帝王守冢戶詔

先代帝王因時創業君人建國禮尊南面而厯運推移年代久遠
丘壠殘毀樵牧相趨塋兆堙蕪封樹莫辨自古以來帝王陵墓可
隨近十戶蠲其役呂供守視御覽五
百六十一

荅盧江王禕詔

婚禮不舉樂且敬淵等孤苦倍非宜也

巡幸賑卹詔

夫足踐目見實遵天命尙怨踰深眊俗未同其化自遠幽隱不得

其所故降省風俗躬撫黎元

初學記十三

巡狩省風俗詔

朕聿合五色奄一天下當治時省方觀察風俗外詳考舊典呂副

側席之懷也

初學記十三

賜沈慶之

孝建三年

卿辛勤匪殊歡宴宜等且觴酌之賜宜呂大夫爲先也

戒薛安都

大明元年

賊若可及便盡力殄之若度已回可過河耀威而反

宋書薛安都傳

戒沈慶之

大明三年

卿爲統任當令處分有方何蒙楯城下身受矢石邪脫有傷挫爲

損不小

宋書沈慶之傳

荅劉懷珍

大明三年

邊維須才未宜陳請

南齊書劉懷珍傳大明二年呂破虜功拜進武將軍樂陵河間二郡太守明年啟求還孝

武

荅子業

七年二月案子業卽前廢帝

書不長進此是一條耳聞汝比素業都懈怠猶戾日甚何呂頊固

乃爾邪

宋書前廢帝紀世祖卽巡子業敗參承起卽書述不謹上詰讓之子業敗事陳謝上又荅又見南史宋本紀二

臨徐兗二州搜揚教

徐方地兼梁楚秀士攸出兗土樂頌所流風禮自占豈不異人比

肩鴻才世及或疏散山林不聞進達或栖息閭閻懷寶待燼孝性

義門明經善政者所在搜揚舉進咸用名聞

統文類聚五十三

在藟上白雉表

白體表素彩儀稟識自擾陶氣仁風練色滄露不齟一飲之逸不

資三逸之勤

魏文類
卷九十

建平王宏冠表

臣駿言建平王宏筮辰協吉撰禮備容資此成德允被休典

初學
記十

四

廣陵王誕冠表

臣駿言北中郎南徐州刺史廣陵王臣誕年禮既升擇休申冠順
弁有成服美任典

初學記
十四

巡幸舊宮頌

惟皇敬眷永慕徐京列裝青野動輅丹庭榮和首律景澤開年林
炯發色川郊列泉浴沂遙衍登陟迴懸踐域負外卽宮臨山思甲
陵寢歡結粉都眇懷沛濟勤念宛吾納壽遺老設飲先居堂序朝
秀充延集閣

魏文類聚
卷六十二

芳春琴堂橘連理頌

列訪神祕，詳觀端策，通柯竦秀，實靈所錫。離係別幹，淹一榮，曠道

被遐夷，承我正歷。

藝文類聚
八十六

洞井贊

絳紀山瑞，紫志川靈。金膏溢曜，玉樹含英。端巖毓泉，挹祥吐禎。彪

彬仙牒，揮翕詭經。

藝文類聚
七十八

清暑殿贊嘉禾贊

維殷粵周，有穗表頌。祥乎合矣，超瑞高蕙。非原非澤，乃瑞乃靈。庶

藉天貺，廣茲化清。

藝文類聚
八十五

梨花贊

沃瘠異壤，舒慘殊時。惟氣在春，具物合滋。嘉樹之生於彼山基，開

榮布采，不離塵緇。

藝文類聚
八十六

孤桐贊

珍無隱德，產有必甄。資此孤幹，獻枝楚山。梢星雲界，衍葉炎厖。名

列真寶器贊虞絃古文類聚八十八

景陽樓慶雲贊

非煙非雲曳紫流光縣華曜藻奄鬱臺堂粵子休明震乎珍積

慶有文靈貺無疆藝文類聚九十八

祀大一牛鼎銘孝建元年

維甲午八月丙寅帝若稽古肇作宋器審厥像作牛鼎格于位宰

從用饗億靈神休惟帝時保萬世其永賴宋潛說友咸清臨安志十三

故侍中司徒建平王宏墓誌

含榮幼耀膺和早慧徘徊天人優遊經藝鴻沚纒流皇根中絕體

孝盡性懷追孝烈反我宸居毀網更結管機凝務端朝贊契召輝

才融士穎風折祕路長陰昭塗永滅藝文類聚四十八

祈晴文

幽明失序就陰則滯連雨霖霖注而不替潤既違時澤而非惠幸

輟霖而吐景權停雲而斂驟照鸞輅於天郊光龍旂於田際未釋
得施黍稷獲藝增高廩於嘉年登十千於茲歲

藝文類聚二
初學記二

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷七

烏程嚴可均校輯

前廢帝

帝諱子業小字法師孝武帝長子大明八年閏五月卽位明年正月改元永光八月改元景和十一月爲其下壽寂之所弒有

景和集十卷

卽位詔大明八年六月

朕眇身夙紹洪業敬御天威欽對靈命仰遵凝緒日鑒前圖實可已拱默守成詒風長世而寶位告始萬寓改屬惟德弗明昧於大道思宣容範引茲簡恤可具詢執事詳訪民隱凡曲令密文繁而作治關市儻稅事施一時而發吏舞文妄興威福加已氣雜舛立偏頗滋甚宜其寬僭輕憲已救民切御府諸署事不須廣雕文篆刻無施於今悉宜并省已酬氓願藩王貨壹皆禁斷外便具

條百間

宋書前廢帝紀

下江夏王等詔

初卽位

總錄之典著自前代孝建始年雖暨并省而因革有宜理存濟務朕榮獨在躬未涉政道百揆庶務允歸尊德太宰江夏王義恭新除中書監太尉地居宗重受遺阿衡實深憑倚用康庶績可錄尚書事本官監太宰王如故侍中驃騎大將軍南兖州刺史巴東郡開國公新除尚書令元景同稟願誓翼輔皇家贊業宣風緊公是賴可卽本號開府儀同三司領兵置佐一依舊準領丹陽尹侍中領公如故

宋書江夏王義恭傳

荅江夏王詔

永光元年

太宰表如此公緣情遣遠覽已增慨昔淮楚推恩胙流支胤抑法弘親古今成準使日公表付外依旨奉行故泉陵侯允橫罹凶虐可特爲置後

宋書彭城王義康傳義恭請還義康屬籍詔荅

答義陽王剌詔永光元年

征北表如此省已慨然誕及妻女竝可已庶人禮葬并置守衛

竟陵王誕傳大明初誕已謀反誅至是剌請葬誕詔答

答江夏王劾蔡興宗詔

太宰表如此省已憮然朕恭承洪緒思弘前烈而在朝俊競驅扇

成風將何已式揚先德克隆至化公體國情深保釐攸託便可付

外詳議宋書蔡興宗傳

答柳元景劾蔡興宗詔

興宗首亂朝典允當明憲已其昔經近侍未忍盡法可令思愆遠

封愍孫竊評自己委咎物議可已子傾職宋書蔡興宗傳義恭復使尚書柳元景奏興宗

真尚書袁愍孫論選事請各罪責詔答

下袁顥等詔

宗社多故毀因家司景命未渝神祚再又自非忠謀密契豈伊別

珍侍中祭酒領前軍將軍新除吏部尚書顓游擊將軍領著作郎
兼尙書左丞徐爰誠心內款參聞嘉策匡贊之效實監朕懷宜甄
茅社曰獎義舉顓可封新隆縣子爰可封吳平縣子食邑各五百

戶

宋書袁顓傳

求才詔 景和元年八月

昔凝神佇逸礪溪讚道湛慮思才傳巖毗化朕位御三極風澄萬
萬資鉄電斷正卯斯戮思所曰仰宣遺烈備弘景祚每結夢庖鼎
瞻言板築有劬日吳無忘昧且可甄訪郡國招聘閭部其有孝性
忠節幽居遯棲信誠義行廉正表俗文敏博識幹事治民務加旌
舉隨才引擢庶官克順彝倫攸攸主者精加詳括稱朕意焉

宋書前廢

紀

帝
手詔晉安王子勛

何邁殺我立汝汝自計孰若孝武邪可自爲其所

宋書晉安王子勛傳

封譚金等詔

屯騎校尉南清河太守譚金、彊弩將軍章太壹、車騎中兵參軍沈攸之、誠略沈果、忠幹、勇鷲、消、蕩、氛、翳、首、制、鯨、凶、宜、裂、河、山、已、酬、勳、義、金、可、封、平、都、縣、男、太、壹、宜、陽、縣、男、攸、之、東、興、縣、男、食、邑、各、三、百、戶、金、遷、驍、騎、將、軍、增、邑、百、戶、宋書宗越傳前廢帝誅羣公、金等並爲之用帝下詔

敕晉安王子勛

聞汝與何邁謀共廢我，汝自量體氣，何如孝武？尋當遣使送藥與

汝。魏書劉彥傳先是子業敕其弟子勛案此即宋書所載之手詔史家紀錄互異耳姑並載之

敕巢尚之

吾纂承洪基，君臨萬國，推心勸善，著於遐邇，不謂戴法興恃遇負恩，專作威福，冒靈黷貨，號令自由，積愆累愆，遂至於此。卿等忠勤在事，吾乃具悉，但道路之言，異同糾紛，非惟人情駭愕，亦玄象違度，委付之旨，良失本懷。吾今自親覽萬機，畱心庶事，卿等宜竭誠

盡力已副所期宋書戴法興傳廢帝卽位法興遷越騎校尉頗曰直言忤上於是賜死救尚之

明帝

帝諱彧字休炳小字榮期文帝第十一子元嘉二十五年封淮

陽王二十九年改封湘東王景和元年十二月卽位改元二泰

始泰豫在位八年諡曰明皇帝廟號太宗有集三十三卷案宋

帝紀有改元大赦品據南史謝莊傳編入謝莊集

荅有司請崇憲太后居外詔初卽位

朕備丁艱罰蚤嬰孤苦特蒙崇憲太后聖訓撫育昔在蕃闕常奉

藥膳中迫囚威抱懷莫遂今泰運初啟情典獲申方欲親奉晨昏

盡歡罔禁不得如所奏宋書文帝路淑媛傳上爲太后撫養及卽降有司請居外宮詔荅

與建安王休仁詔

人既不比數西方公汝便爲諸王之長宋書盧江王禧傳禧佐西州故謂之西方公也又見

南史十四

追恤新安王子鸞詔

夫紆冤申痛雖往必追緣情惻愛感事彌遠故使持節都督南徐州諸軍事撫軍將軍南徐州刺史新安王子鸞夙表成器蚤延殊寵方樹美業克光蕃維而凶心肆已奄羅橫禍興言永傷有兼常懷宜旆天秀已雪沈魂可贈使持節侍中都督南徐兖二州諸軍事司徒南徐州刺史王如故第十二皇女第二皇子子師俱嬰謬醜有增酸悼皇女可贈縣公主子師復先封爲南海王並加徽諡

宋書始平王子鸞傳

又詔

哀枉追遠仁道所弘興滅繼絕盛典斯貴朕務古思治恩禮必敷異族猶敦況在近戚故新除使持節侍中都督南徐兖二州諸軍事司徒南徐州刺史新安王子鸞年雖沖弱性識早茂鍾慈世祖冠寵列蕃值景和凶虐橫羅酷禍國胤無主冤祀莫寄尋念痛悼

夙軫於懷。可曰建平王景素。息延年爲嗣。追改子鸞。封爲始平王。食邑千戶。

同上

下顏奐詔

初即位

延之昔師訓朕。躬情契兼款。前記室參軍濟陽太守奐。伏勤蕃朝。綢繆恩舊。可爲中書侍郎。

宋書顏延之傳

恤顏師伯詔

故散騎常侍僕射領丹陽尹平都縣子師伯。昔逢代運。豫班榮賞。遭罹厄會。墮命淫刑。宗嗣殄絕。良用矜悼。但其心瀆貨。宜貶贈典。可紹封社。已慰冤魂。諡曰荒子。

宋書顏師伯傳

遣使巡省詔

十二月壬午。當是于申。

朕戡亂寧民。屬膺景祚。鴻制初造。革道惟新。而國故頽靡。仁澤偏壅。每寤寐疚心。罔識攸濟。巡方問俗。以政所先。可分遣大使。廣求民瘼。攻守宰之良。採衝闕之善。若猛狎淹枉。傷民害政者。具言事

聞鯨寡孤獨癡殘六疾不能自存者郡縣優量賑給貞婦孝子高
行力田許悉條奏務詢輿誦廣納嘉謀每盡皇華之旨俾若朕親

覽焉

宋書明
帝紀

節省詔

十二月丙子

皇室多故糜費滋廣且久歲不登公私歎嘆方刻意從儉弘濟時
艱政道未孚愧兼積太官供膳可詳所減撤尙方御府雕文篆
刻無益之物一皆蠲省務存簡約曰稱朕心

宋書明
帝紀

崇憲太后喪下詔

二年正月

朕幼集荼蓼夙憑德訓龕疏定業實資仁範恩著屯夷有兼常慕
夫禮治情施義循事立可特齊衰三月曰申追仰之心

宋書文帝
路收媛傳

與沈文秀詔

正月

皇帝前問督青州徐州之東莞東安二郡諸軍事建威將軍青州
刺史朕去歲撥亂功振普天於卿一門特有殊澤卿得延命至今

誰之力邪。何故背國負恩，遠同逆豎。今天下已定，四方寧壹。卿獨守窮城，何所歸奉。且卿百口在都，兼有墳墓，想情非木石，猶或顧懷。故指遣文炳，具相宣示。凡諸逆節，親爲戎首，一不加罪。文炳所具，卿獨何人，而能自立，便可速率部曲，同到軍門，別詔有司。一無所問。如其不爾，國有常刑，非惟戮及弟息，亦當夷卿墳墓。既已謝齊士百姓，亦目勞將士之心，故有今詔。宋書沈文秀傳上遺文秀弟文炳詔文秀三年二月

文秀歸命請罪

宣示東軍詔

朕方務德簡刑，使四罪不相及，助順同逆者，一已所從爲斷。卿等當深泣此懷，勿日親戚爲慮也。宋書孔叡傳時將士多是東人父兄子弟皆已附逆上因送軍管加宣示

報於兄大悅

手詔譬袁顛

卿歷觀古今，嶮之與強，何嘗可恃。自朕踐阼，塗路梗塞，卿無由奉

表未經爲臣今追蹤寶融猶未晚也

宋書袁粲傳太宗使韶門生徐植奉手詔督韶

追贈范道興等詔二年

前鎮軍參軍督護范道興朕之舊隸經從北藩徒役南畿遭離命會抱恩固節受害羣以言念純誠良可憫愴可贈員外散騎侍郎南城令鮑法度後軍典籤馮次民永新令應生新建令軍延寶上饒令黃難等違逆識順同被誅滅言念既往宜在追榮可贈生奉朝請法度南臺御史次民延寶難並員外將軍

宋書鄒瓌傳前軍典籤范道興志不

同逆爲鄒瓌所誅其餘奉順見書者並爲上所慈詔云

追復戴法興封爵詔二年

故越騎校尉吳昌縣開國男戴法興昔從孝武誠勩左右入定社稷預誓河山及出侍東儲竭盡心力嬰害凶悖朕甚愍之可追復

削法還其封爵

宋書戴法興傳

傳戴法興孫襲封詔

法與小人專權豪恣雖虐主所害義由國討不宜復貪人之封封

爵可停

宋書戴法興傳有司奏曰法興孫靈珍襲封又詔

曰王景文兼中書令詔當在二年五月六月後

王言之職總司清要中將軍丹楊尹王景文夙尙弘簡情度淹粹

忠規茂績實宜國道宜兼管內樞曰重其任可中書令

初學記十

起居注二年詔云云凡兩條又見御覽二百二十一

宋書明帝紀及景文傳皆不言兼中書令當是漏落也

曰楊僧嗣爲北秦州刺史詔七月

僧嗣遠守西疆世篤忠款宜加旌顯曰甄義傑可冠軍將軍北秦

州刺史武都王太守如故

宋書氏胡傳

徙松滋侯子房詔十月

不虞之釁若自終古情爲法用聖達是遵朕埽穢定傾再全寶業

遠惟鴻基猥當負荷思弘治道務盡敦睦而妖豎遊扇安造異圖

自西南阻兵東夏侵斥都鄙羣凶密相脅齒路休之兄弟專作謀

主規興禍亂令舍人嚴龍覘餽宮省日羽林出討術衛單罄候隙伺間將謀竊發劉祗在蕃規相應援通言北寇引令過淮頃休範濟江潛欲拒捍賴上祚靈長茲回弗逞陰惡已露宜盡憲辟實日方難未夷曲加遵養今王化帖泰宜辨忠邪涓流不壅燎火難滅便可委之有司肅正刑典松滋侯子房等淪陷逆徒協同醜悖遂與籤師羣小潛通南轅連結祗等還圖朕躬雖咎戾已彰在法無宥猶子之情良所未忍可廢爲庶人徙付遠郡

宋書松滋侯子房傳

崇儉約詔十一月壬辰

治崇簡易化疾繁後遠關降替明著軌迹者也朕拯斯墜運屬此屯極仍之旨凋耗因之旨師旅而識昧前王務艱昔代俾夫舊賦旣繁爲費彌廣鑿寐萬務每思弘革方欲緩絲優調愛民爲先有司詳加寬惠更立科品其方物職貢各順土宜出獻納貢敬依時令凡諸蠹俗妨民之事趣末違本之業雕華靡麗奇器異技竝嚴

加裁斷務歸要實左右尚方御府諸署供御製造咸存儉約庶滄
風至教微遵太古阜財興讓少敦季俗

宋書明
帝紀

求賢才詔

矢機詢政立教之攸本舉賢聘逸弘化之所基故負鼎進策殷代
曰康釋鈞作輔周祚斯久朕甫承大業訓道未敷雖側席忠規竚
夢巖築而良圖莫薦奇士弗聞永鑒通古無忘宵寐今藩隅克晏
敷化維始屢懷存治實望箴闕王公卿尹羣僚庶官其有嘉謀直
獻匡俗濟時咸切事陳奏無或依隱若乃林澤貞栢巨園耿潔博
洽古今敦崇孝讓四方在任可明書搜揚具卽日聞隨就發立

宋書

明帝

郊祀詔十一月辛酉

朕載新寶命仍讎多難戎車邁駕經略務殷廼告雖備弗獲親禮
今九服既康百祀咸秩宜聿遵前典郊謁上帝

宋書禮

赦宥諸藩詔 十二月乙丑

近眾藩稱亂多染疊科或誠係本朝事緣逼迫混同沈綱良已悵然夫天道尚仁德刑並用雷霆時至雲雨必解朕眷言靜念思弘風澤凡應禁削皆從原蕩其文武堪能隨才銓用

宋書明帝紀

下沈勃詔

沈勃琴書藝業口有美稱而輕躁耽酒幼多罪愆比奢淫過度妓女數十聲酣放縱無復劑限自恃吳興土豪比門義故舊說士庶告索無已又輒聽募將委役還私託注病飯遂有數百周旋門生競受財貨少者至萬多者千金攷計贓物二百餘萬便宜明罰敕法以正典刑故光祿大夫演之昔受深遇忠績在朝尋遠矜懷能無弘律可徙勃西垂合思愆悔

宋書沈演之傳

責羊希詔 三年

希卑門寒士累世無聞輕薄多疊備彰歷職徒以清刻一介擢授

嶺南干上逞欲求訴不已可降號橫野將軍

宋書羊玄保傳

禁非時品物詔三年八月丁酉

古者衡虞置制蠶蠟不收川澤產育登器進御所旨繁阜民財養
逐生德頃商販逐末競早爭新折未實之果收豪家之利籠飛騰
之翼爲戲童之資豈所旨還風尙本捐華務實宜脩道布仁旨革
斯蠹自今鱗介羽毛有核眾品非時月可采器味所須可一皆禁

斷嚴爲科制

宋書明帝紀

大赦詔

八月癸卯

法網之用期世而行寬惠之道因時而布况朕尙德戡亂依仁取
俗宜每就引簡旨隆至治而類懼兵革繇賦未休軍民巧僞興事
甚多蹈刑入憲諒非一科至乃假名戎伍竊爵私庭囚戰散亡託
懼逃役且往諸淪逼雖經累宥逋竄之黨猶爲實繁皆言永懷良
兼矜疚思所旨重播至澤覃被區宇可大赦天下

宋書明帝紀

江夏王義恭等陪祭詔

三年

皇基崇建，屯剝維難，弘版熙載，底績忠果。故從饗世祀，勒勳宗。經世祖靈，亂定業，實資翼亮。故使持節侍中都督中外諸軍事丞相領太尉中書監錄尚書事江夏文獻王義恭，故使持節侍中都督南豫江豫三州軍事太尉南豫州刺史巴東郡開國忠烈公元景，故侍中司空始興郡開國襄公慶之，故持節征西將軍雍州刺史洮陽縣開國肅侯懿，或體道沖玄，變化康世，或盡誠致效，庚難論逆，宜式遵國典，陪祭別庭。

宋書江夏王義恭傳

從徐爰詔

二年

夫事君無禮，敬道弗容。訕上衒己，人倫所棄。太中大夫徐爰，拔迹廝猥，推席褻逢。遂官參時望，門伍豪族。遷位轉榮，莫非超荷。而詔側輕險，與性自俱。利口譏妄，自少及長。奉公在事，釐蒙蔑聞。初無愧滿，常有闕進。先朝嘗已芻蕘之中，粗有學解。故得漸蒙驅策，出

入兩宮太初僞立盡心佞事義師已震方得南奔及孝武居統唯極諂諛附會承旨專恣厥性致使治政苛縱興造非法損德害民皆由此豎景和恃險深相贊協苟取偷存罔顧節義任算設數取合人主微蠹姦矯所志必從故歷事七廟白首全貴自己體含德厚識鑑機先迷塗遂深罔知革悟朕撥亂反正勳濟天下靈祇助順羣逆必夷况爰恩養而無輸效遂內挾異心著於形迹陽愚杜口罔所陳聞情事緩文庶申詭略當今朝列賢彥國無佞邪而秉心弗純累蠹時政日其自告之辰用賜歸老之職榮禮優崇豈非譽過不謂潛怨席外進競不已勤言託意觸過斯發小人之情雖所先照猶許其當改未忍加法遂恃朕仁弘必永容貸昨因鴈宴肆意譏毀謂制詔所爲皆資傍說又宰輔無斷朝要非才恃老與售慢累斯甚比邊難未靜安眾日惠戎略是務政綱從簡故得使此小物稟寬自縱乃合授異爵虎已清王猷但朽頓將盡不足窮

法可特原罪、徒付交州。

宋書徐爰傳

又詔

八議緩罪、滯在一條、五刑所抵者、必加貸。徐爰前後黜迹、理無可

申。廢棄海墀、實允國憲。但蚤蒙朕識、曲矜愚朽。既經大宥、思沾殊

渥。可特除廣州統內郡。

宋書徐爰傳爰兼權州以上昔在藩素所不說及景和世屈辱卑約爰禮傲甚簡益

街之至是詔徙交州既行又詔

詔沈攸之三年八月

卿春中求伐彭城、吾恐軍士疲勞、且去冬奔散、人心未宜復用。不

許卿所啟、今便不肯爲吾行邪。卿若不行、便可使吳喜獨去。

宋書之傳太宗復令攸之進圍彭城、攸之曰、清泗旣乾、糧運不繼、固執

引爲非宜、往反者七上大怒、詔攸之、攸之懼、乃奉旨進軍、行至遲

據上悔逆軍令反

下詔封王景文等

當在四年四月後

夫良圖宣國、賞崇彝命、殊績顯朝、策勳王府、安南將軍江州刺史

景文風度淹粹，理懷情曷，體兼望實，誠備夷岬。寶厓方啟，密贊義機。妖徒干紀，預毗廟略。宜登茅社，永傳厥祚。朕澄氛靈，樞實資多士。疏爵疇庸，實齊徵列。尚書右僕射領衛尉興宗，識懷詳正，思局通敏。吏部尚書領太子左衛率淵，器情閑茂，風業韶遠。竝謀參軍政績，亮時艱，拓宇開邑，實允勳典。景文可封江安縣侯，食邑八百戶。興宗可始昌縣伯，淵可南城縣伯，食邑五百戶。宋書王景文傳又平四方欲引朝望召佐大業乃下詔

賜進士出身二品銜廣東等處提刑按察使司按察使兼管驛傳事務黃岡王毓藻校刊